

Donostia, 2020ko irailaren 18a

UDALBATZAREN IDAZKARI NAGUSIARI

KONTROL MOZIOA, BIZIKLETARIEK DONOSTIAN DAUKATEN EGOERARI BURUZKOA

Elkarrekin Donostia udal taldeko zinegotzi Haizea Garay Gallastegik, Udalbatzaren Organo Araudiaren 98. artikulua jartzen duena aintzakotzat hartu eta KONTROL MOZIO hau dakar, PERTSONENTZAKO ZERBITZUEN BATZORDEAN bizikletariak gure hirian daukaten egoeraz egindako interpelazioaren ondorioz.

JUSTIFIKAZIOA

COVID-19ak ekarritako pandemiaren ondorioz, handitu egin da paketeak partitzen aritzen diren enpresen eta jana etxez etxe eramaten aritzen diren elkarlaneko ekonomia esaten zaion plataformen jarduera. Hala erakutsi du Donostiako Udalak bultzatuta Ekonomia Suspertzeko Planaren (PREK) lehen fasearen ondoren egindako diagnostikoak ere. Igoera hori plataforma horiek ostalaritzan oso zabalduta egoteagatik etorri da, elikagaiak etxera eramateko aukera ematen baitie hark sektore horretako negozioei.

Azken urteotan asko ugaritu dira jana etxera eramaten aritzen diren plataformak. Bizikletari edo *rider* esaten diete plataforma horietan aritzen diren banatzaileei, eta oso lan baldintza txarrak dituzte. Beraz, gur irudituan funtsezkoa da jana etxera eramateko plataforma horietan lan egiten duten pertsonen lan baldintzak kontrolatzea. Izan ere, lehen ere oso lan baldintza kaskarrak zituzten langile horiek; eta orain, berriz ere jaitsi egin dizkiete –ez negoziatu eta ez ezer ere egin gabe– aurrez ere oso kaskarrak ziren ordainsariak. Gehiegikeria hori epai judizial batek baino gehiagok erakutsi duen iruzur egoerari esker egin dute, autonomo kontratua izateagatik, eta ez lan kontratua, izan behar luketen eran.

Sektore horietako langileek mugikortasun handia dute pandemia garai honetan, eta harreman zuzena eta etengabea bezeroekin, egiten duten lanaren ezaugarriak direla eta. Horregatik, bistan denez, beste sektore batzuetakoek baino arrisku handiagoa dute haiek birusaren erasanpean izateko; izan ere, beste sektore batzuetan errazagoa baita pertsonen arteko distantziak gordetzea eta pertsonen arteko kontaktu fisikoa murriztea.

Beraz, derrigorra da neurri batzuk jartzea eta behar diren baliabideak ematea arlo horietan lan egiten duten langileen segurtasuna bermatzeko. Neurri horien bidez, gainera, saihestu egingo litzateke hainbesteko mugikortasuna duten sektore horiek birusaren transmisio-elementu izatea.

Gaia dagokion zinegotzi ordezkariari batzordean interpelazioa egin ondoren, asmo adierazpen bat egin zuen hark; izan ere, esan zuen Enplegua Sustatzeko Planaren bigarren ekinaldian izango zela laguntzak jasotzeko halako baldintza batzuk bete behar izatea sartzeko modua, laguntza eskatzen duten enpresek sektore horretako langileen lan eta segurtasun baldintzak bermatzeko. Hala ere, zinegotziak berak zalantzan jarri zuen irtenbide hori, zeren eta esan zuen laguntzak jasotzeko baldintza edo betekizun batzuk jarriz gero, ikuskatze-lana egin beharko litzatekeela ondoren, jarritako baldintzak benetan bete daitezen.

Gure ustez, badago bidea kontrol eta zaintza lanak egiteko modua emango duten ekimenak egiteko gure udalerrian, Udalak laguntzak emateko nahiz enpresekin egiten dituen kontratuetan jartzen dituen baldintzak betetzen direla bermatzeko.

Hori dela eta, hauxe da gure

KONTROL MOZIOA

1. Donostiako Udaltzako udal gobernuari eskatzen dio plan bat egiteko urgente, paketeak etxez etxe partitzen aritzen diren enpresak zaindu eta kontrolatzeko –elkarlaneko ekonomia esaten dioten plataformetakoak ere hor direla– eta gure hirian sektore horietan aritzen diren langileei egiten zaien gehiegikeria eta daukaten babes falta bukatzeko.

2. Donostiako Udalbatzak udal gobernuari eskatzen dio bilera bat jartzeko hiriko ostalaritza sektorearekin, jana etxez etxe partitzen aritzen diren plataformekin eta sindikatuekin, gure hirian lan egiten duten banatzaile horiek COVID-19tik babesteko segurtasun protokolo bat jartzeko denen artean.
3. Donostiako Udalbatzak udal gobernuari eskatzen dio lan baldintzak eta COVID-19 birusetik babesteko segurtasun baldintzak betetzearen baitan izatea enpresek Enplegua Sustatzeko Planeko laguntzak izatea.
4. Donostiako Udalbatzak udal gobernuari eskatzen dio eman behar diren pausoak emateko kontratuetan eta laguntza publikoen oinarrietan jarritako baldintzak betetzen direla kontrolatzeko unitate bat sortzeko eta, baldintza horiek betetzen ez badira, tokatzen diren zigorrak ere jartzeko.

Haizea Garay Gallastegui,
Elkarrekin Donostiako zinegotzia